

樂彼園四字類賦

利



四字類賦卷十二

倫類

客來今雨

杜甫詩序旅次多雨尋常車馬之客舊雨來今雨不來

人有古風

唐書王仲舒之文有古風

戲成蠟鳳

南史王僧虔父曇首集子孫任其戲僧綽採蠟燭珠為鳳凰

勤助九熊

孔帖柳仲郢嗜學母韓九熊膽以助其勤

賈稱三虎

後漢書賈彪兄弟三人並有高名天下稱曰賈氏三虎

荀著八龍

漢紀荀淑有八子人號曰八龍

類賦

卷十三

倫類

師尊北面

漢書于定國迎師學春秋執經北面備弟子禮

友訪南皮

魏文帝與吳質書昔南皮之遊誠不可忘

室無反目

易夫妻反目

人尚齊眉

後漢書梁鴻妻具食舉案齊眉

勤操井臼

高啟詩井臼尚勤煩德曜

學衍弓箕

禮記良弓之子必學為箕

書通一雁

庾信賦蘇武之一雁空飛

信寄雙魚

古詩客從遠方來遺我雙鯉魚呼童烹鯉魚中有尺素書



曾窺鴻案

見前齊眉注

共挽鹿車

漢書鮑宣妻與宣共挽鹿車歸鄉里

誰來相宅

晉書魏舒少孤為外家甯氏所養甯氏起宅相宅者云當出貴甥

早卜充閭

晉書賈充字公閭父達晚生充言後當有充閭之慶故以為名字焉

荆枝累葉

田真兄弟重義柴荆花葉茂盛楊巨源詩一門累葉凌烟閣

棣萼連株

詩常棣之華○唐書元宗造花萼樓白帖連株同氣

生來頭玉

李賀詩頭玉硤硤眉刷翠杜郎生得真男子

愛若掌珠

杜甫寄漢中王生子詩掌中探得一珠新

類賦

卷十三 倫類

二

如九苞鳳

呂巖詩九苞鳳向空中舞

乃千里駒

魏志曹休年十餘歲太祖曰此吾家千里駒也

惟茲老鳳

李商隱寄冬郎詩雛鳳清於老鳳聲

厥有童烏

法言吾家童烏九齡而與元文

道徵橋梓

尚書大傳橋高而仰梓卑而俯橋父道也梓子道也

名辨樞梨

南史張敷小名樞父小名梨帝戲曰樞何如梨答曰梨百果之宗樞何敢比

呼為石丈

石林燕語米芾知無為軍初入州解見立石頗奇取袍笏拜之呼曰石丈

坐對山妻

高適詩紡績有山妻

榮增五桂

五代史竇禹鈞生五子俱爲顯官馮道贈詩曰靈椿一株秀丹桂五枝芳

秀毓三槐

邵氏錄王祐世有陰德嘗手植三槐於庭曰吾子孫必有爲三公者

征途攀柳

溫庭筠詩贈遠聊攀柳

遠道贈梅

陸凱詩折梅逢驛使寄與隴頭人江南何所有聊贈一枝春

曾逢月老

幽怪錄韋固旅次遇老人向月檢書因問囊中赤繩云繫夫婦之足

亦假冰人

晉書索紞傳令狐策夢立冰上與冰下人語紞曰君當爲人作媒

相聯桂戚

蔡邕喬公廟碑時有桂戚椒房之親

永結葭親

漢書羣臣非有葭苕之親

類賦

卷十三 倫類

三

鳶蘿依附

詩鳶與女蘿施于松柏

瓜葛引伸

世說王導與其子悅鬪碁爭道導笑曰相與似有瓜葛得爾耶

夢中雲鳳

南史徐陵母夢五色雲化爲鳳集左肩上已而誕陵釋寶誌摩其頂曰天上石麒麟也

天上石麟

麒麟也

情關謝草

南史謝惠連能屬文靈運於西堂詩思不就忽夢見惠連得池塘生春草句

壽永莊椿

羅隱錢尙父生日詩更俟莊椿一舉頭

熊兒虎氣

李純甫詩熊兒著轡驥子扶杜甫詩虎氣必騰上

驥子龍文

驥子見上。北齊書楊愔從父兄昱曰此兒駒齒未落已是我家龍文

歡承愛日

禮記孝子愛日

念切瞻雲

唐書狄仁傑登太行山見白雲孤飛曰吾親舍其下久之乃去

本根竹祖

皮日休詩年紀翻嫌竹祖低

垂蔭桐孫

白樂天詩梧桐老去長孫枝

心盟金友

南史王銍弟錫孝行齊焉時人以爲玉昆金友

意洽玉昆

見上

象賢名立

書惟稽古崇德象賢

麟定族繁

詩麟之定振振公姓

類賦

卷十三 倫類

四

人資三益

陶潛詩開徑望三益。三益益者三友也

地聚二難

王勃勝王閣序二難并注賢主嘉賓

詩成夢草

見前謝草注

瑞應徵蘭

左傳妾不幸而有子將不信敢徵蘭乎

山攀桂友

李嶠詩桂友尋東閣蘭交聚北堂

室結蘭交

見上

載歌螽羽

詩螽斯羽

殊有鳳毛

南史謝超宗傳鳳子超宗帝謂謝莊曰超宗殊有鳳毛

情殷投縞

左傳吳公子札聘于鄭見子產如舊相識與之縞帶子產獻紵衣焉

義重贈袍

史記魏使須賈於秦范雎微行敝衣見須賈賈取綈袍贈之

他邦集穀

詩黃鳥黃鳥母集于穀注穀木名

故里維桑

詩維桑與梓○陸雲賦結祗慕於維桑

休來題鳳

世說嵇康與呂安善安來值康不在喜延之不入題門作鳳字而去鳳凡鳥也

莫誤弄麀

舊唐書李林甫舅子妻誕子林甫手書慶之日聞有弄麀之慶

婿維玉潤

晉書衛玠風神秀異妻父樂廣有海內重名議者以為婦公冰清女婿玉潤

翁乃冰清

見上

類賦

卷十三 倫類

五

父方名丙

宋史臧丙舊名愚嘗夢其父召丙向空指曰老人星見矣丙以壽星出丙入丁

母早夢庚

唐書李白母夢長庚星入懷而生遂名

詩歌伐木

詩伐木丁丁

傳紀班荆

左傳伍舉奔鄭聲子將如晉遇之於鄭郊班荆相與食而言復故

時方抱子

詩亦既抱子

喜又添丁

盧仝詩憑仗添丁莫惱爺○添丁仝子名

非無心友

法言朋而不心面朋也友而不心面友也

亦有面朋

見上

回思分手

褚亮詩分手未盈旬

不盡寸心

何遜詩相思不可寄直在寸心中

相須攻玉

詩他山之石可以攻玉

共利斷金

易二人同心其利斷金

當途傾蓋

家語孔子之鄉遭程子於途傾蓋而語終日甚相親也

聚處盍簪

易朋聚盍簪

道從夫子

孟子無違夫子

婚結婦王

韓愈陸渾山火詩夫丁婦王傳世婚。火水妃也火畏水以丁為壬妃也

類賦

卷十三 倫類

六

無憂梅標

蔡邕協和婚賦葛覃恐其失時標梅求其庶士

載賦葛覃

見上

庭多子女

漢書適子女事下有司

室有丁男

易林丁男長女可以會同

方符熊夢

詩吉夢惟何維熊維羆

早叶鳳占

江總講碑敬仲繼美盛矣鳴鳳之占

四字類賦卷十四

形體

心為丹府

唐類函丹府心也

亦號絳宮

黃庭經心為絳宮

聰惟三耳

孔叢子今為臧三耳甚難而實非也
臧兩耳甚易而實是也

明本四瞳

劉表標序入彩光眉四瞳麗目

無知目笑

史記平原君竟與毛遂偕十九人相與
目笑之

不學心聾

列子心不涉學猶心之聾

類賦

卷十四

形體

一

輕軀鶴立

曹植賦竦輕軀以鶴立

老氣龍鍾

廣韻龍鍾竹名年老者如竹枝葉搖曳
不自禁持

頻張蒿目

莊子世之仁人蒿目而憂世之患

盡洗芥胸

蘇軾詩一洗芥蒂胸

銀華眼海

蘇詩注道家以眼為銀海

翠秀眉峯

陳師道詩眉聳三峯秀

勞三寸舌

揚雄解嘲掉三寸之舌

損一分肌

蘇軾詩輕寒瘦損一分肌

高張書眼

皮日休詩書眼若薄霧酒腸如漏卮

低撚吟髭

杜荀鶴詩吟髭白數莖

身成鮐背

爾雅黃髮覩齒鮐背者老壽也注鮐背背皮如鮐魚

體徧雞皮

五代史周桓公曰吾老矣雞皮鶴髮

高撐松腹

江表傳丁固夢松生腹上占者曰松爲十八公後十八年君其爲公乎

遠列芝眉

唐書房瑄曰見紫芝眉宇令人名利之心都盡○元德秀字紫芝

鳶肩燕領

唐書馬周鳶肩火色騰上必速漢書班超虎頭燕領萬里侯相也

鸚鵡虬鬚

張說郭知運碑猿背虎口虬鬚鸚鵡瞬

類賦

卷十四 形體

二

齒猶編貝

漢書東方朔傳目若懸珠齒如編貝

目果懸珠

見上

幽居瘦竹

蘇軾詩瘦竹如幽士

偉世魁梧

史記予以爲其人魁梧奇偉

身原驍健

隋書人皆驍健善走而耐創

體亦鶴臞

黃庚詩形容似鶴臞

獨操心印

皮日休詩不知夫子將心印印破人間萬卷書

常運舌樞

白居易詩入難掉舌樞三畧役心機

詩稱短李

唐書李紳為人短小精悍於詩最有名時號短李

酒付髯蘇

鄭允詩網魚謀酒付髯蘇

超騰神馬

莊子浸假而化予左臂以為雞因以求時夜浸假而化予之尻以為輪以神為

變化臂雞

馬予因而乘之豈更駕哉

年登耆艾

詩俾爾耆而艾

老似凍梨

詩傳老人面如凍梨

頭橫眼電

晉書王戎傳裴楷見而目之曰戎眼爛爛如巖下電

鼻奮駟雷

黃庭堅題東坡字後爛醉就卧鼻駟如雷

類賦

卷十四 形體

三

內藏智舍

管子潔其宮宮者謂心也心也者智之舍也故曰宮

高築靈臺

莊子靈臺者有持注心也

情聯金友

南史王份長子銓美風儀時人以為玉昆金友

座對璧人

衛玠別傳玠髫齡時乘白羊車於市上咸曰誰家璧人

手龜冰雪

莊子宋人有善為不龜手藥者音義文拆如龜文也○龜音麤

足繭風塵

戰國策足重繭而不休息注足傷皮皴如蠶繭也

形成氣母

孫楚銘大象無形元氣為母

理主心君

陸游詩省事心君靜

心原推赤

隋書不以庸下親蒙推赤

面亦渥丹

詩顏如渥丹

肥爲笨伯

晉書江泉以能食爲穀伯史疇以人肥大爲笨伯

瘦乃臞仙

蘇軾聞子由瘦詩相看會作兩臞仙

頻揮畫手

杜甫詩畫手看前輩

偶聳詩肩

蘇軾詩夜來應聳作詩肩

高垂潘髻

元淮詩役役奔名腰似沈區區競利髻如潘

低折沈腰

見上

類賦

卷十四 形體

四

堂前鶴髮

見前雞皮注

膝下蝸髻

古今注蝸髻謂小兒髻如蝸也

羣瞻日表

宋耕藉鼓吹仰瞻日表

共仰風標

南史文章者蓋性情之風標神明之律呂也

眉橫八采

見前四瞳注

頰益三毫

晉書顧愷之嘗圖裴楷象頰上加三毫

瞳方剪水

李賀詩一雙瞳人剪秋水

目亦橫波

傅毅舞賦目流睇而橫波

絲抽心繭

温庭筠詩夢梭拋促織心繭學蜘蛛

色印指螺

蘇軾文得美石其文如指上螺文

眼花莫辨

蘇轍詩厭看細字眼花生

心草猶芳

李白詩織錦心草草

客迎香令

李端詩薰香荀令偏憐小傅粉何郎不解愁

人對粉郎

見上

形成白甲

蘇軾送賈訥侔侔眉詩便與甘棠同不剪蒼髯白甲待歸來

歲憶青庚

陸游詩行樂趁青庚○青庚猶青年也

類賦

卷十四

形體

五

磨來心劍

韋莊詩無人爲我磨心劍

利試舌兵

說苑舌者兵也

傳神眉語

劉孝威詩窗疏眉語度

注意目成

九歌滿堂兮美人忽獨予兮目成注謂目時時流盼注意

高撐玉柱

北史隋文帝龍額上有玉柱入頂

廣拓珠庭

唐書日角珠庭非庸人相

眼開銀海

蘇軾雪詩凍合玉樓寒起粟光搖銀海眩生花注道家以肩爲玉樓眼爲銀海

肩聳玉樓

見上

孩提黃口

李白詩提攜四黃口飲乳未嘗足

叟對白頭

史記白頭如新傾蓋如故○西京雜記相如將聘茂陵女為妾文君作白頭吟

雄誇劍膽

吳萊詩小榻琴心展長纓劍膽舒

別具琴心

見上

胸藏萬甲

宋史小范老子胸中自有數萬兵甲○謂仲淹也

腹有三壬

魏志管輅傳背無三甲腹無三壬皆不壽之驗

彪身馬面

北史斛律光馬面彪身

豹首虬髯

五代史皇甫遇虬髯善射李庾賦紫身豹首金腰火額

類賦

卷十四

形體

六

四字類賦卷十五

居處

三三徑外

楊萬里詩序東園新開九徑九種花木各植一徑命曰三三徑云

六六窗中

王珪詩三十六窗秋月明

基開十笏

西域傳以笏量基止有十笏故號方丈之室

地拓半弓

韻府摘句寓舍中庭劣半弓○弓長五肘五百弓長二里半

廳惟旋馬

宋元通鑑李沆為相廳事前僅容旋馬

門可登龍

世說登李膺門者時號為登龍門

類賦

卷十五

居處

一

支松葉架

楊萬里詩羊角豆纏松葉架

結豆花籬

吳師道詩西風蟋蟀豆花籬

安居容膝

陶潛歸去來辭審容膝之易安

倚戶礙眉

庾信賦戶平行而礙眉

室如懸磬

左傳室如懸磬○國語作懸磬

地少卓錫

傳燈錄無卓錫之地

覆鴛鴦瓦

吳均詩屋暉鴛鴦瓦

遮翡翠闌

劉禹錫詩鳳闕輕遮翡翠闌

深藏藻室

抱朴子藻室華椽以參差

獨守蘧廬

莊子仁義先王之蘧廬也注蘧廬傳舍也

門通蔣徑

三輔決錄蔣詡隱於杜陵舍中三徑惟羊仲求仲從之游

座對蕭齋

張宏靖蕭齋記李約得蕭子雲飛白蕭字遂建精室陷列於垣

入惟蘭室

家語與善人居如入芝蘭之室久而不聞其香

登或栗階

儀禮燕禮凡公所辭皆栗階注栗蹙也越等急趨君命

升階以至

易貞吉升階

斗室相陪

盧琦詩欣然坐我斗室底

類賦

卷十五 居處

二

羣居夏屋

揚子震風零雨然後知夏屋之為帡幪

共步春臺

老子衆人熙熙如登春臺

閣題紅乙

范成大詩草閣自題紅乙額

門引白申

杜甫詩門引白申賓

園名金谷

晉書石崇有別館在河陽之金谷一名梓澤

亦號玉津

玉海玉津園周顯德中置

日穿檐角

陸游詩檐角挂斜陽

霜凍瓦鱗

范成大詩殘雪如霜凍瓦鱗

高樓卻月

鮑照吳歌夏口樊城岸曹公卻月樓

峻閣凌雲

世說凌雲臺樓觀精巧常隨風搖動

游集賢里

唐書裴度治第東都集賢里午橋作別墅號綠野堂

過通德門

漢書鄭康成之德可廣開門衢令容高車號爲通德門

隄圍桃塢

六朝事迹桃花塢在蔣山寶公塔之西

圃隔柳樊

詩折柳樊圃

作觀魚檻

蘇軾詩已作觀魚檻還開射鴨堂

排鬪鴨欄

吳志建昌侯慮於堂前作鬪鴨欄頗施小巧

類賦

卷十五

居處

三

出爭春館

揚州事蹟揚州太守圃中有杏花一株令一倡倚其旁立館曰爭春館

來銷夏灣

一統志銷夏灣在吳縣洞庭西山吳王避暑處

雲垂青第

郝經詩浮光四動青雲第

月對綠天

清異錄懷素居零陵菴植芭蕉巨帶幾數萬取葉代紙號其所曰綠天

厦成燕賀

淮南子大厦成而燕雀來賀

居擬鶯遷

盧照鄰文谷變鶯遷

霞烘藻井

夢溪筆談屋上覆椽古人謂之綺井亦曰藻井

日度花磚

韓偓詩日過入花磚

居癸辛里

周密癸辛雜志自序癸辛蓋余所居里云

過丁卯橋

一統志鎮江丁卯橋唐許渾築別墅於橋側

會排雁齒

白居易詩雁齒小紅橋

更引虹腰

會輦詩虹腰隱隱松橋出

窩名安樂

宋史邵雍歲時耕稼僅給衣食名其居曰安樂窩

館號逍遙

輟耕錄開元時高大素隱商山起逍遙館

門前種柳

韋應物詩聊將休暇日種柳西澗濱

宅裏誅茅

庾信賦誅茅宋玉之宅

類賦

卷十五

居處

四

自成蝸舍

李商隱詩自喜蝸牛舍兼容燕子巢

兼許燕巢

見上

宮存扶荔

三輔黃圖元鼎六年苑中起扶荔宮植奇草異木

里問浣花

胡宗遇序先生自同谷入蜀遂卜成都浣花江上萬里橋之西為草堂以居

風回屋角

杜甫詩紅稠屋角花

雨洗簷牙

玉海楹角儲清簷牙裹縷

出黃鸝巷

白居易詩黃鸝巷口鶯欲語

游白燕鄉

史記出白燕之鄉

啟嘯蛸戶

詩嘯蛸在戶

登蟋蟀堂

詩蟋蟀在堂

雞窗燕厦

羅隱詩雞窗夜靜開書卷
庫狄履温詩燕厦欣成托

虬柱鳳梁

江淹賦架虬柱之嚴麗
王融詩歌聲繞鳳梁

路通官巷

汪元量杭州詩人行官巷口兵簇御街
心

城繞女牆

釋名城上垣曰女牆言其卑小比於城
若女子之於丈夫也

籬圍鹿眼

陸游詩短籬圍鹿眼幽徑繚羊腸

徑轉羊腸

見上

類賦

卷十五

居處

五

戶開屈戍

輟耕錄窗戶設鉸具或鐵或銅名曰環
紐北方謂之屈戍

樓起延庚

洪邁西山記滌之瑯琊九江之庚樓皆
延庚挹辛賓夕陽而導新月

居松葉屋

張籍詩一間松葉屋

倚豆花棚

清琪詩豆花棚下曾分榻

城環雉堞

鮑照蕪城賦版築雉堞之役

屋架鴟甍

茅亭客話乖龍苦於行雨竄匿樓閣鴟
甍中

板連閣閣

詩約之閣閣

材取亭亭

陸龜蒙雜諷大厦若掄材亭亭托君子

蘭亭梓澤

王羲之蘭亭序
晉書石崇有別館名梓澤

草閣松扃

杜甫詩五月江深草閣寒
王勃啟挹露攀霞坐松扃而嘯逸

入揚雄宅

杜甫詩旁人錯比揚雄宅

登庾亮樓

崔峒詩庾亮樓中對月明

人來甲館

北齊書今所讐校出自蘭臺御諸甲館

路識庚郵

鄒登龍詩丙枕或思前夜席庚郵寧肯
後鋒車

徐公城北

戰國策城北徐公齊國之美麗者也

阮氏道南

晉書阮咸與籍居道南諸阮居道北
阮富而南阮貧

類賦

卷十五

居處

六

開烟霞窟

韻府對語

對海岳庵

顧瑛詩好事爭傳海岳庵○米芾號海
岳

牀懸甲帳

漢武故事上以琉璃珠玉雜寶爲甲帳
其次爲乙帳甲以居神乙以自居

戶隔丁簾

陸游詩斷香欲出碍丁簾

覆魚鱗瓦

庾信文秦皇餘石仍爲雁齒之階漢武
舊陶卽用魚鱗之瓦

橫雁齒檐

白居易杭州詩大戶檐多裝雁齒小杭
船亦畫龍頭

四字類賦卷十六

服飾

柳彈衣綠

三峯集李固言行古柳下聞彈指聲曰我柳神九烈君已用柳汁染子衣矣

花壓帽紅

薩都刺恩榮宴詩宮花壓帽金牌重

香羅疊雪

杜甫五日賜衣詩細葛含風軟香羅疊雪輕

細葛含風

見上

裳垂薜荔

楚辭採薜荔以為裳

亦集芙蓉

離騷集芙蓉以為裳

類賦

卷十六

服飾

一

烏瞻鳧化

後漢書王喬為葉令每月朔來朝太史言臨至有雙鳧舉網張之得雙烏

履見燕飛

一統志南海太守鮑靚嘗夜訪葛洪人密伺之但見雙燕飛至網之得雙履

一雙何去

張安國詩赤烏几几應一雙

五兩初歸

詩葛屨五兩

金裝腰襪

韓愈詩妻瘦剩腰襪○襪普患切類篇衣系曰襪

鐵掛耳衣

李廓詩金裝腰帶重鐵縫耳衣寒

風巾遠道

楊萬里詩撻索風巾些子倦蒼茫水枕霎時醒

雨笠長途

蘇軾詩烟蓑雨笠長林下

裘誇千鑑

墨子千鑑之裘非一狐之腋

服耀五銖

博物志此上清五銖服

冠懲聚鵠

左傳鄭子臧好聚鵠冠

服誚維鵠

詩維鵠在梁不濡其翼彼其之子不稱其服

花簪醉帽

陳旅詩醉帽簪花同走馬

草踏吟鞵

元好問詩登臨負吟鞵

繻成布母

庶物異名疏布母繻乃小衣也猶犢鼻褌耳

繡假針神

拾遺記薛靈芸妙於針工宮中號為針神

類賦

卷十六 服飾

二

拋煎茶帽

陳高謝草帽詩玉川便易煎茶帽元亮還拋漉酒巾

戴漉酒巾

宋書陶潛傳郡將侯潛值其酒熟取頭上葛巾漉酒畢還復著之

工能繡鳳

司空圖詩繡鳳不教金縷暗

士乃懸鵠

荀子子夏貧衣若懸鵠

冕成繁露

古今注牛亨問冕以繁露者何答曰綴玉而下垂如繁露也

冠好切雲

楚辭余幼好此奇服兮冠切雲之崔嵬

著青絲履

列仙傳胡毋班為太山君賁書詣河伯河伯貽其青絲履甚精巧

披白練裙

陸龜蒙詩書破羊欣白練裙

高人冠鵠

漢書鵠冠子一篇注楚人居深山以鵠為冠

勇士佩豚

論衡世稱子路未入孔門時戴雞佩豚

衣會剪鳳

吳師道詩裁雲剪鳳金煌煌

被亦裁鴛

駱賓王賦裁鴛帖夜被

雲裾露烏

謝觀賦彩雲裾兮流霞袂韓愈句暄晨躡露烏

雪練霜紈

陳旅詩清溪浮空引雪練沈約謝綃啟霜紈雪委霧縠冰鮮

荷衣蕙帶

楚辭荷衣兮蕙帶黃庭堅句桐帽棕鞋稱老人

桐帽籜冠

漢書注今人為筍皮冠又曰籜冠

類賦

卷十六 服飾

三

金釵十二

白居易詩鍾乳三千兩金釵十二行

珠履三千

史記趙使欲夸楚為玳瑁簪春申君客三千人皆躡珠履

冠尊獬豸

後漢書獬豸神羊能別曲直楚王嘗獲之故以為冠

珥飾貂蟬

宋書侍臣則加貂蟬應劭曰蟬居高食潔貂內勁悍而外溫潤

齊紈魯縞

梁元帝錦啟鮮潔齊紈聲高趙縠梁簡文啟魯縞齊紈

楚練吳綿

杜甫詩越羅與楚練宋祁啟均挾吳綿之暖

裘誇青鳳

拾遺記周昭王以青鳳毛為二裘

亦重黑貂

戰國策蘇季子黑貂之裘敝

鞞成龍縞

搜神記君輸我龍縞鞞入網

衣疊鮫綃

博物志鮫人水居如魚不廢織績時出人家賣綃

著鴉頭襪

李白越女詞展上足如霜不著鴉頭襪

披鳳尾袍

清異錄鳳尾袍者相國桑維翰貧時未仕縵衣也藍襖穿結類乎鳳尾

燕釵蛇髻

洞冥記招仙閣有玉釵後化白燕瑯嬛記魏宮有綠蛇盤結髻形

駕錦鳳羅

丁六娘十索曲蓮帳舒駕錦黃庭內景經雲錦鳳羅金紐纏

進千重襪

清異錄唐制立冬日進千重襪用帛十餘層夾絡之

登六合鞞

舊唐書六合鞞起自魏便于戎事

類賦

卷十六

服飾

四

輕披粹白

呂氏春秋天下無粹白之狐而有粹白之裘取之衆白也

巧織流黃

古樂府中婦織流黃

時方解紱

陸雲詩解紱披褐投印懷玉

色映坤裳

蘇軾詩坤裳有正色

烏紗帽重

柳宗元詩春衫裁白紵朝帽掛烏紗

鶴擎衣輕

王恭傳恭嘗被鶴擎裘涉雪而行孟昶窺見之歎曰此真神仙中人也

絲牽五緘

詩羔羊之皮素絲五緘

服粲三英

詩羔裘晏兮三英粲兮

敷九州被

邊讓傳孔融薦讓魏武曰讓爲九州之被則不足爲單衣襜褕則有餘

裏萬里裘

白居易詩安得萬里裘蓋裏周四垠

夏裁蟬翼

白帖鳳文蟬翼並羅名○海物異名錄泉文織紗輕如蟬翼名蟬紗

冬著雉頭

庾信謝賚袍袴啟程據上表空詣雉頭王恭入雪虛稱鶴氅

風飄衣浪

劉詵詩南風飄飄卷衣浪

石拂袖嵐

林景熙詩拂石題詩滿袖嵐

布成火鼠

王貞白詩火鼠重收布冰蠶乍吐絲

絲吐冰蠶

拾遺記員嶠山有冰蠶以霜雪覆之然後爲繭

類賦

卷十六 服飾

五

吳綾蜀錦

侯真詞蜀錦吳綾剪染成

趙穀隋縑

梁元帝啟聲高趙穀隋煬帝開汴渠民間有柳一株賞一縑

開魚鱗幕

鮑溶詩魚鱗碧幕

著燕尾衫

劉永之詩白紵新裁燕尾衫

四字類賦卷十七

飲食

樓登黃篋

皮日休詩黃篋樓中掛酒籜

杯酌碧筒

蘇軾詩碧筒時作象鼻彎

茶能破睡

白居易詩驅愁知酒力破睡見茶功

酒亦治聾

談錄俗傳社酒能治聾。治平聲

朝傾三白

事物紺珠三白酒出吳中顧氏蓋取米白水白麴白也

晚飯二紅

類說東坡作麥飯雜小紅豆王夫人笑曰此新樣二紅飯

類賦

卷十七 飲食

一

郇廚畢饗

世說補時人語曰黃祿須入郇公廚李商隱文劉携累擲畢饗多眠

庾韭周菘

南史庾杲之清貧食惟有韭南史周顒所食春初早韭秋末晚菘

羣迎歡客

易林喜樂踴躍來迎歡客

自號醉翁

歐陽修醉翁亭記因自號曰醉翁也

座邀紅友

周必大題跋人以酒餉東坡曰紅友也坡言此人知有紅友而不知有黃封

壚對黃公

世說王濬冲經黃公酒壚下曰吾昔與嵇叔夜阮嗣宗酣飲于此

名稱白薄

初學記關中有酒名白薄

味擬黃封

見上紅友注。黃封內醞也

席登鹽虎 周禮形鹽注形鹽鹽之似虎者

牀卧酒龍 陸龜蒙詩思量北海徐劉輩枉向人間號酒龍

遇甘心氏 清異錄皮光業最耽茗飲一日中表請嘗新柑纔至而呼茶甚急題詩曰未見

呼苦口師 甘心氏先迎苦口師

嫩抽蔬甲 黃夷簡詩宿雨一番蔬甲嫩春山幾倍茗旗香

高引茗旗 見上

初開黍甕 齊民要術造酒十月尚暖未須茹甕十一月十二月須黍釀茹之

共把蘭卮 謝靈運九日詩蘭卮獻時哲

類賦 卷十七 飲食 二

酒巡藍尾 仇池筆記酒巡匝為婪尾一作藍尾

春釀黃脂 岑參詩甕頭春酒黃花脂

客酬三爵 詩三爵不識

書借一瓶 聞見錄借書一瓶還書一瓶

米登白粲 杜甫詩精鑿傳白粲

鹽佐朱餘 越絕書朱餘者越鹽官也越人謂鹽曰餘

和芍藥醬 詩疏廣要古有芍藥之醬因呼五味之和為芍藥

嗜菖蒲酒 左傳享有昌歆注菖蒲酒也。呂氏春秋文王嗜菖蒲酒

酒泉太守

拾遺記羗人姚馥好讀書嗜酒晉武踐位遷酒泉太守

麴部尚書

雲仙雜錄汝南王璉自稱釀王兼麴部尚書

杯中泛蟻

元稹詩但令常泛蟻

甕底浮蛆

黃庭堅詩冰厨欲罄浮蛆甕餽婦初供醒酒冰

傳薪炊玉

庾信謝趙王資米啟非丹竈而流珠異荆臺而炊玉

滿斛瀉珠

庾肩吾答湘東王資粳米啟椽斛瀉珠翻庭委玉

茶傾露液

臆乘謝氏論茶曰味同露液

亦摘雲腴

黃庭堅詩我家江南摘雲腴

類賦

卷十七 飲食

三

新烹顧渚

陸游詩候火新烹顧渚茶

舊飲曹溪

陳孚詩消得曹溪一滴茶

時參玉版

冷齋夜話蘇軾邀劉器之同參玉版和尚至簾景寺燒筍而食坡曰此玉版也

味擬金齏

陸游詩橙黃出日金齏美

鸞脯鳳腊

玉壺清話蘇易簡大醉咽吻燥渴咀薑數根自謂上界仙厨鸞脯鳳腊不及

熊蹯豹胎

六韜玉杯象箸不勝菽藿之羹必將熊蹯豹胎

領金谷罰

李白春夜宴桃李園序罰依金谷酒數

驚玉山頽

蘇軾大醉詩玉山知爲玉人頽

潑成茶乳

蘇軾詩想見新茶如潑乳

環起酒鱗

蘇舜欽詩酒鱗環合起金壘

酒名贊夏

庶物異名疏贊夏酒名

亦號宜春

吳錄宜春縣出美酒故酒名宜春

烹張翰膾

李商隱詩越桂留烹張翰膾蜀薑供煮
陸機蓴

煮陸機蓴

見上

羣呼酒聖

韋莊詩悶來知酒聖

共仰茶神

全唐詩話陸鴻漸撰茶經三卷世目爲
茶神

類賦

卷十七 飲食

四

湯如沃雪

枚乘七發小飯大歡如湯沃雪

杯合銜雲

庾信歌銜雲酒杯赤瑪瑙

客來枚叟

劉克莊詩席間舊客惟枚叟

風慕麴君

陳師道詩風味如麴君

量加酒戶

唐無名氏詩因奉王侯酒戶加○酒戶
謂酒量也

情快屠門

曹植書過屠門而大嚼雖不得肉亦且
快意

偶傾鵝盞

劉說詩夜詩渴鸚硯朝酒發鵝盞

不溺鳧尊

張掄古器評漢鳧尊以水譬禮鳧出入
于水而不溺猶以禮自防無沈酒也

令惟浮白

漢書注曰罰酒之名也魏文侯與大夫飲酒令曰不酌者浮以大白

顏盡渥丹

白居易詩促膝繞飛白酩酊已渥丹

飲如鯨吸

杜甫詩飲如長鯨吸百川

吞若虎餐

李白詩割鮮若虎餐

婢名膳祖

表異錄段文昌有老婢名膳祖沈亞之謂之鼎娥王績謂之竈妾

爵有湯官

漢書百官公卿表官有太官湯官導官注湯官主餅餌

尊開北海

後漢書孔融為北海相好士常日坐上客常滿尊中酒不空

壽祝南山

宋之問詩酒近南山作壽杯

類賦

卷十七 飲食

五

青銅三百

杜甫詩速宜相就飲一斗恰有三百青銅錢

綠釀十千

王維詩新豐美酒斗十千

醉侯歡伯

蘇軾詩醉有真鄉我可侯易林酒為歡伯除憂來樂

清聖濁賢

魏志醉客謂酒清者為聖濁者為賢

誰成茶癖

茶董何子華邀客酒半出陸羽像楊粹仲曰茶草也宜追目陸氏為甘草癖

或列酒仙

杜甫詩李白斗酒詩百篇自稱臣是酒中仙

餅如秋練

東哲餅賦弱似春綿白若秋練

亦類春綿

見上

口餐紫雪

劉禹錫表宣奉聖旨賜臣臘日口脂面脂紅雪紫雪

顏醉紅潮

蘇軾詞玉顏醉裏紅潮

金山粥鼓

蘇軾金山詩半夜不眠聞粥鼓

紫陌飴簫

詩箋簫編小竹管如今賣飴者所吹也

黃嬌白墮

輟耕錄段繼昌好飲名酒曰黃嬌洛陽伽藍記劉白墮善釀

玉饌珍肴

左思吳都賦矜其宴居則珠服玉饌辛延壽歌就我求珍肴

蒸十字餅

晉書何曾蒸餅不圻作十字則不食

薦重陽糕

東京夢華錄九月重陽都人出郊登高前一二日以粉麴蒸糕遺送

類賦

卷十七 飲食

六

金瓶雪乳

蘇軾新居鑿井詩晨瓶得雪乳

玉椀雲膏

程伯子詩乞與雲膏洗俗腸

頻開菊釀

錫炳詩酒甘和菊釀

共飲松醪

裴叻傳奇酒名松醪春

寒開酥蘂

孔平仲詩酒花隨煥聚酥蘂帶寒開

煖聚酒花

見上

餐赤甲稻

齊民要術今世有飛青稻赤甲稻烏陵稻

飲烏丁茶

本草烏爹泥烏爹或作烏丁皆番語一名泥孩兒茶

杯巡婪尾

白居易寒食詩三杯婪尾酒一椽膠牙

饌嗜易牙

孟子易牙先得我口之所嗜者也

或稱醉聖

開天遺事李白每醉為文未嘗少悞人謂醉聖

或號釀王

見前麵部尚書注

進桃花飯

皮日休詩桃花飯熟醉醒前

擊竹葉觴

白居易詩歌巡竹葉觴

猩紅熊白

蘇軾詩盡是猩紅與熊白

蟻綠蛾黃

謝朓詩綠蟻方獨持杜甫詩鵝兒黃似酒

類賦

卷十七 飲食

七

如遊肥國

史記得楚之地足以肥國

恍到醉鄉

唐書皇甫松醉鄉日月記三卷○王績著醉鄉記

酒稱劉墮

洛陽伽藍劉白墮善釀酒

亦取杜康

博物志杜康作酒

寒消羊酪

叩頭錄房壽六月調羊酪造金風鮮

暑解虎湯

家塾事親書西瓜解暑名白虎湯

造三辰酒

史諱錄唐明皇置麴清潭砌以銀磚泥以石粉貯三辰酒賜當制學士

為百歲羹

清異錄俗號薺為百歲羹言至貧亦可具雖百歲可長享也

誰挑茗戰

雲仙雜記建人謂鬪茶爲茗戰

偶遣酒兵

蘇軾詩旋築新壇按酒兵

時邀桂客

王勃乾元殿頌桂客攀榮松賓改律

座遇蘭生

唐太宗詩醽醑勝蘭生翠濤過玉漉按蘭生漢武帝酒名玉漉隋煬帝酒名

食枕椰麵

南方草木狀枕椰樹皮中有屑如麵食之與常麵無異

登粗糲餚

葉道詩何以勞比鄰粗糲雜餚餚

自安頤養

易頤貞吉養正則吉也

誰事鼎烹

易鼎象也以木巽火烹飪也

類賦

卷十七 飲食

八

飯留雲子

雞肋編米元章嘗作詩云飯白雲留子茶甘露有兄人不識露兄故嘗叩之乃

茶飲露兄

曰只是甘露哥哥耳

誰爲酒譜

唐書王績采杜康儀狄以來善酒者爲譜李淳風曰君酒家南董也

或撰茶經

全唐詩話陸鴻漸撰茶經三卷

味調饗子

杜甫詩饗子左右揮雙刀餡飛金盤白雪高

技奏庖丁

莊子庖丁解牛奏刀騞然曰臣之所好者道也進乎技矣

腸充八斗

晉書山濤飲酒至入斗方醉

口飲三升

晉書陸納往辭桓温因問温曰公至醉可飲幾酒温曰飲三升便醉

時親蒜友

唐彥謙詩蒜友日相親瓜朋時與儔

偶結瓜朋

見上

有餘甘氏

胡嶠飲茶詩沾牙舊姓餘甘氏破睡須封不夜侯

封不夜侯

見上

為掃愁帚

蘇軾洞庭春色詩應呼釣詩鉤亦號掃愁帚

乃釣詩鉤

見上

茶烹雀舌

避暑錄茗初萌如雀舌者謂之槍稍敷而為葉者謂之甲

筍煮貓頭

舒頔詩豬耳蕈供黃粟飯貓頭筍煮紅豆糜

類賦

卷十七 飲食

九

甕頭初滿

法書要錄江東云缸面猶河北稱甕頭謂初熟酒也

缸面乍添

見上

對賢人酒

杜甫詩座對賢人酒

登學士鹽

四朝國史劉忠肅公贊監衡州鹽倉弊減十七父老號為學士鹽

四字類賦卷十八

農桑

柳搖官綠

輟耕錄官綠即柳條綠

樓作女紅

漢文錦繡纂組害女紅者也○紅讀作工

碧生麥浪

歐陽修詩野濶風搖麥浪寒

黃疊梅風

杜審言詩彈絃奏節梅風入

神迎田祖

詩以御田祖

雨問社公

提要錄社公社母不食舊水故社日有雨謂之社翁雨

類賦

卷十八

農桑

一

豐年有慶

詩屢豐年

比屋堪封

王莽傳唐虞之世比屋可封

作同功繭

漢書二蠶同作一繭謂之同功繭

抽續命絲

歐陽修詩細為續命絲

窗前鳳杼

盧照鄰七夕詩鳳杼秋期至

月下鴛機

上官儀詩方移花影入鴛機

開田望杏

隋書瞻榆束末望杏開田

束末瞻榆

見上

條橫桑眼 劉宰詩柔條桑著眼短穗麥生鬚

穗拂麥鬚 見上

人來桑婦 陶潛詩桑婦宵典

地少麥奴 陸游詩雨足豐年少麥奴

雲犁何往 劉因詩共把白雲犁

雨笠乍回 皮日休詩靜窗懸雨笠

雨生禾耳 朝野僉載秋甲子雨禾頭生耳

風結麥胎 韻府摘句花正殘時麥未胎

類賦 卷十八 農桑 二

苗生馬耳 齊民要術苗生如馬耳則鋤鋤注諺曰欲得穀馬耳鋤

地皺龍鱗 班固西都賦原隰龍鱗

絲抽園客 述異記園客嘗種五色香草有一女自來助養蠶以香草食之得繭大如蠶

繭獻海人 拾遺記員嶠山有水蠶織為文錦入水不濡入火不燎堯時海人獻之

相逢蛹母 荀子賦蛹以為母○蠶化為蛹蛹化為蛾

共祝蠶神 陸游詩暮醉蠶神酌凍醪

稻翻碧浪 貢奎詩粼粼碧浪稻千畦

稼卧黃雲 王安石詩畦稼卧黃雲

穫餘禽饗

汲冢周書務耕而不耨維草其宅之既秋而不穫維禽其饗之

耕助鳥耘

地理志山上有禹井禹祠相傳下有羣鳥耘田也

白抄雲子

杜甫詩飯抄雲子白注雲子碎雲母也

青對稻孫

番禺錄稻再生曰稻孫

川依牝谷

家語邱陵為牝川谷為牝

地擴雄田

南越志交趾號腴田曰雄田

廛登三百

詩胡取禾三百廛兮

歲取十千

詩歲取十千

類賦

卷十八 農桑

三

耕聞鳥喚

元好問詩布穀勸耕鳩喚雨

織候蠶眠

秦觀蠶書蠶晝夜五食九日不食一日一夜謂之初眠

春疇雨牧

宋元詩春郊景物堪圖寫輸與烟樵雨牧家

秋嶺烟樵

見上

農皆鑄劍

家語同願得聖主輔相之鑄劍戟為農器

士亦賣刀

晉書龔遂為渤海太守民有帶持刀劍者使賣劍買牛賣刀買犢

畦抽紅甲

皮日休詩紺牙紅甲兩三畦

稻結綠科

白居易詩綠科抽早稻

鴉能種麥

謝應芳詩田野無人鴉種麥

雀亦銜禾

拾遺記神農時有丹雀銜九穗禾

不停鴛杼

王勃七夕賦引鴛杼兮割冰綃

猶引龍梭

晉書陶侃漁于雷澤網得一織梭以掛於壁有頃雷雨化為龍而去

葉挑奴柘

本草奴柘生江南山野葉可飼蠶

條折女桑

詩猗彼女桑

絲縈蠶箔

韓愈聯句春蠶看滿箔

績取蠹筐

禮記蠶則績而蠹有筐

類賦

卷十八

農桑

四

裁成裂素

蘇頌詩剪刀因裂素

織就流黃

古樂府中婦織流黃

人登四鬴

周禮人四鬴上也

室聚千倉

詩乃求千斯倉

穀原玉庇

國語玉足以庇廕嘉穀則寶之

禾遇金穰

史記太歲所在金穰水毀木饑火旱

須南箕簸

薩都刺雪米詩雲生捧出南箕簸月姊

挹北斗量

春來北斗量見上

禁嚴馬質

周禮馬質禁原蠶注原再也蠶與馬同氣蠶盛則馬衰故不得再蠶

功奏龍精

蠶書蠶為龍精

種如嫁女

書疏種穀曰稼如嫁女之有所生然

耨第長兄

亢倉子其耨也長其兄而去其弟○兄謂嘉禾弟謂秕稗

歲方在酉

易林太歲在酉乞漿得酒

時少呼庚

左傳若登首山以呼曰庚癸乎則諾注庚西方主穀北方主水

村前牧子

全唐詩話李百藥尤長五言雖樵童牧子亦皆吟誦

隴畔畦丁

杜甫詩畦丁負籠至

類賦

卷十八 農桑

五

豐年九稔

九稔見韻府對語

井地三登

漢書三登曰泰平二十七歲遺九年食

穩騎秧馬

蘇軾秧馬歌序見農夫皆騎秧馬日行于畦

寒送土牛

禮記季冬之月出土牛以送寒氣

笛橫牛背

雷震詩牧童歸去橫牛背短笛無腔信口吹

蠶飼馬頭

原化傳拾遺宮觀塑女子之像披馬質謂之馬頭娘以祈蠶桑

房中紅女

鮑照詩紅女事蠶作○紅讀日工

座上素侯

陳浩詩秋田租可供賓客不比封君亦素侯

青鋪稻毯

白居易詩碧毯線頭抽早稻

綠插秧鉞

范成大詩幾日秧田綠似鉞

衣裁金剪

薩都刺詩玉織綠筍握金剪

素擣玉砧

賈至詩玉砧調鳴杵始擣機中素

縷抽雙繭

孟郊詩雙繭抽作紵

綿貢八蠶

左思吳都賦鄉貢八蠶之綿

絲方凍七

周禮慌氏凍絲以浼水漚其絲七日

繭亦纈三

禮記遂授繭於夫人夫人纈三盆手

類賦

卷十八 農桑

六

山青背笠

陳造詩卷蓑背笠隨漁翁

月白腰鎌

陸游詩腰鎌卷黃雲

官分鷹正

左傳九鷹爲九農正

夢叶魚占

王阮詩魚占何必夢

四字類賦卷十九

雜藝

書傳北海

唐書邕之文碑頌是所長名聞天下時稱李北海

帖式南宮

容臺集余得李伯時西園雅集圖有米南宮蠅頭題後

陶鎔象物

左傳鑄鼎象物

匠鑿鳩工

韻府對語

三驅畫鹿

庚信馬射賦變三驅而畫鹿登百尺而懸熊

百尺懸熊

見上

類賦

卷十九

雜藝

局開碁聖

抱樸子嚴子卿馬綏明有碁聖之名

圖做畫師

王維詩前身應畫師

墨豬貽詭

墨藪凡多肉少骨謂之墨豬

筆虎逞奇

法書苑李陽冰善小篆時謂之筆虎

習來禽帖

王羲之來禽帖青李來禽櫻桃日給藤子囊盛為佳

摹所繪圖

畫史薛紹彭收吳王所繪圖

學青李帖

見上來禽注

成紫芝書

孟郊詩十年白雲士一卷紫芝書

帖存聖母

格古要論聖母帖懷素草書

亦有官奴

王羲之有官奴帖○官奴子敬小字也

家雞莫厭

南史庾翼與右軍齊名右軍後進庾始猶不服與人書云小兒厭家雞愛野鷺

野鷺堪珍

皆學逸少書

巧能削錄

莊子梓慶削木為鐻鐻成見者驚猶鬼神注鐻音據樂器

工更斲輪

莊子輪扁曰斲輪徐則甘而不固疾則苦而不入不疾不徐得之手而應於心

橋邊題扇

晉書王羲之在蕺山見一老姥持六角竹扇賣之羲之書其扇各為五字

案側書裙

南史羊欣年十二王獻之甚愛之欣著新絹裙晝寢獻之書裙數幅而去

類賦

卷十九

雜藝

二

仙傳桂父

列仙傳桂父常服桂葉顏色如童

藥錄銅君

陶隱居本草序有銅君藥錄

高揮月斧

蘇軾詩月斧雲斤斲肺肝

妙運風斤

莊子郢人堊漫其鼻端若蠅翼使匠石斲之運斤成風盡堊而鼻不傷

蕭行范篆

書斷袁昂云羊真孔草蕭行范篆

柳骨顏筋

范仲淹文曼卿之筆顏筋柳骨

龍眠畫妙

宋史李公麟字伯時善丹青號龍眠居士

虎卧神超

后山叢話宣城包鼎每畫虎脫衣據地卧起自視真虎也取筆一揮

鄭虔肄柿

唐書鄭虔好書無紙慈恩寺貯柿葉數屋日取葉肄書

懷素書蕉

清異錄懷素治芭蕉巨帶數萬取葉代紙而書

工能削鵲

墨子公輸子削竹木為鵲鵲成飛三日不下

道喻承蜩

莊子孔子見痾僂者承蜩猶撮之也曰用志不紛乃凝於神其痾僂丈人乎

呼盧唱雉

陸游詩呼盧唱雉連暮夜

奪采成梟

宋玉招魂成梟而牟呼五白些。擄蒲經烏曹作博有雉梟雉犢為勝負之采

石開虎發

班固幽通賦李虎發而石開

柱抱猿號

淮南子養由基調弓矯矢未發而猿擁柱號矣

類賦

卷十九 雜藝

三

援弓射蔗

南史齊宣都王鏗取甘蔗插地百步射之十發十中

發矢穿莎

北史豆盧寧與梁仙定肆射乃相去百步懸莎草射之七發五中

書傳垂露

法書要錄曹喜妻善懸鉞垂露之法

法妙行波

事物紀原鍾繇善為楷法鶴頭行波十二書

帖留空籟

宣和書譜裴素善草書規模王氏父子之學觀其空籟一帖可謂姿媚有餘

經可換鵝

論書表王羲之好鵝為山陰道士書道德經籠鵝而歸

篆稱倒薤

事物紀原商務光作倒薤篆

格號簪花

王彥泓詩含毫愛學簪花格

書啞縮蚓

韓駒謝惠墨詩自笑生平縮蛇蚓

字笑塗鴉

鵠炳詩病目塗鴉不成字

棊隨馬鬣

文苑羣雋王積薪每出紙局與棊子並盛竹筒中繫馬鬣間

局變龍牙

孔帖取蛻龍牙一枚臨局自然機變百出

射能貫蝨

列子紀昌懸蝨於牖望之如車輪乃以燕角弧朔蓬箭貫蝨之心而懸不絕

發必穿楊

漢書養由基楚之善射者也去楊葉百步百發百中

鍊成丹竈

庾信詩自可尋丹竈

藥出青囊

羅洗先詩誰似青囊藥有神

類賦

卷十九

雜藝

四

體崇飛白

書斷飛白者後漢左中郎蔡邕所作也飛白入分之輕者

帖法硬黃

蘇軾詩硬黃小字臨黃庭

誰名草聖

杜甫詩張旭三杯草聖傳

亦重墨皇

米芾詩跪閱墨皇三復返。謂蘭亭帖

成廿四品

司空圖詩品二十四門

習十三行

書畫譜王大令十三行洛神賦舊搨

圖中沒骨

潛確類書黃筌善花草但以輕色染成謂之沒骨圖

壁上點睛

名畫記張僧繇畫龍不點睛人請點之須臾雷電破壁二龍上天

占須軌甲

蘇軾費孝先傳青城山老人授以軌甲卦影之術

命引同庚

癸辛雜識張神鑒誓而慧每談一命則旁引同庚者數十皆厯厯可聽

全憑手戰

論衡羣臣手戰

默運心兵

胡翰石柅詩坐隱交心兵

碁分黑白

陸游詩對奕兩奩飛黑白譬書千卷雜朱黃

畫著丹青

杜甫丹青引丹青不知老將至

篆留碧落

張翥詩學篆每朝臨碧落

帖搨黃庭

李白詩山陰道士如相見應寫黃庭換白鵝

類賦

卷十九

雜藝

五

畫成扇牒

晉書王獻之傳桓温嘗使書扇筆誤落畫鳥駮牒牛甚妙。牒音字俗作牒誤

誤作屏蠅

吳錄曹不興善畫權使畫屏風誤落筆點素因以作蠅

如韓幹馬

杜甫詩韓幹畫馬早入室

若戴嵩牛

圖繪寶鑑戴嵩畫牛能盡野性

工成木鵲

見前削鵲注

巧作棘猴

韓非子燕王好微巧衛人曰吾能以棘刺之端為母猴

書名百衲

廣川書跋蔡君謨書畫錦堂每字作一紙擇其不失法度者當時謂百衲本

帖作雙鉤

陸游詩名帖雙鉤搨硬黃

法傳撥鐙

廣川書跋問懷素撥鐙法如何曰如人並鐙不相把。鐙鞍鐙也。

尤善懸鍼

見前垂露注

蘇耽橘井

仙鑑蘇耽將仙去謂鄉人曰後二年大疫但食一橘葉飲泉水一杯自愈

董奉杏林

神仙傳董奉治病不取錢物愈者栽杏號董仙杏林

休爲皮相

韓詩外傳延陵季子游于齊見遺金呼牧者取之牧者曰子乃皮相之士也

可與手談

世說王中郎以圍碁是坐隱支公以圍碁是手談

人須虎卜

北戶錄虎卜牛蹄卜烏卜雖不法於著龜亦有可以稱者

我待雞占

柳宗元峒氓詩雞骨占年拜水神

類賦

卷十九 雜藝

六

四字類賦卷二十

閨閣

春山分黛

歐陽修詞春山斂黛低歌扇

秋水轉瞳

李賀詩一雙瞳人剪秋水

色爭樊素

白居易詩櫻桃樊素口楊柳小蠻腰

名重小紅

老學菴筆記相藍之東有錄事巷傳為朱梁時名妓崔小紅所居

朝雲暮雨

宋玉高唐賦旦為行雲暮為行雨

秋菊春松

曹植洛神賦榮曜秋菊華茂春松

類賦

卷二十

閨閣

一

神傳霜女

杜甫賦霜女江妃乍紛綸而曖曖

律叶雪兒

北夢瑣言雪兒者李密之愛姬每見賓客文章有奇麗者付雪兒叶律以歌之

妾呼桃葉

古樂府注王獻之愛妾名桃葉

姬寵柳枝

全唐詩話韓翃寵姬柳氏詩楊柳枝芳菲節慣向年年送離別

衫粘碧唾

蘇軾詩亂點餘花唾碧衫

袖拂紅脂

李賀詩雲衫淺汚紅脂花

夢巫山女

宋玉高唐賦妾巫山之女也

逢洛浦妃

李嶠詩織腰洛浦妃

吳來西子

世說何乃刻畫無鹽以唐突西子也

晉得南威

戰國策晉文公得南之威三日不聽朝

月眉星靨

李賀詩月眉謝郎妓
北戶錄面光眉翠月黃星靨

雲鬢雪膚

白居易詩雲鬢新梳薄似蟬
白居易歌雪膚花貌參差是

歌聞碧玉

樂苑情人碧玉歌者宋汝南王所作也
碧玉汝南王安名

寵納綠珠

晉書石崇有妓曰綠珠

春前拾翠

杜甫詩佳人拾翠春相問

鏡裏挑朱

朱超道詩提梳羞理鬢挑朱懶向脣

類賦

卷二十 閨閣

二

方桃譬李

梁簡文帝箏賦燕餘麗妾方桃譬李本
住南城經移東里

折柳歸蕙

梁元帝賦已寤歌於折柳
詩自牧歸蕙

人無姑息

晉書雖有近習愛幸之豎不聽其姑息
之辭

室戒婦媛

莊子室無空虛婦姑勃媛注勃媛反戾
也○媛音奚不从谷

秦妍鄭婉

王勃采蓮賦吳娃越艷鄭婉秦妍

越絕燕佳

王昌齡詩吳姬越絕楚王妃
王勃七夕賦荆艷齊升燕佳並出

風飄琴袖

徐陵文書帷停月琴袖承颺

露濕弓鞋

郭玉美人折花歌草根露濕弓鞋繡

金開鸞鏡

駱賓王詩鸞鏡朝朝減容色

玉取燕釵

洞冥記有神女留一玉釵以賜婕妤好至昭帝時宮人發匣有白燕飛升天

柳腰梅額

庾信詩上林柳腰細初學記壽陽公主梅花落於額上

桃頰杏腮

崔塗詩胭脂桃頰梨花粉周憲王詩春衫女兒紅杏腮

眉舒白夜

杜甫詩白夜月休弦

面潤紅春

清異錄紅春胭脂名

菱花面對

駱賓王詩粧鏡菱花暗愁眉柳葉顰

柳葉眉顰

見上

類賦

卷二十

閨閣

三

障桃葉扇

玉臺新詠桃葉答王團扇歌團扇復團扇持許白障面

披藕絲裙

李賀天上謠粉霞紅綬藕絲裙

時宜象服

詩象服是宜

地駕魚軒

左傳歸夫人魚軒

綰靈蛇髻

耶嬛記魏官有綠蛇每甄后梳粧則盤一髻形因效作髻號靈蛇髻

梳墮馬鬢

張昌宗太平公主詩釵承墮馬鬢

光流玉樹

陳後主玉樹後庭花樂府妖姬臉似花含露玉樹流光照後庭

步撒金蓮

南史東昏侯鑿金為蓮花以貼地令潘妃行其上曰此步步生蓮花也

染螺子黛

南部煙花記煬帝宮中爭畫長蛾司宮吏日給螺子黛五斛

橫鳳文鈿

鮑溶詩雲髻鳳文鈿

偶伸戟手

張衡賦袒裼戟手

斜側弓腰

劉基詩有人玉帳舞弓腰

腰如舞柳

方干詩剝蕉十指轉籌疾舞柳細腰隨拍輕

指擬剝蕉

見上

情深芍藥

晁冲之竹夫人詩郭芍藥情原最密鄭櫻桃迹近相疎

色潤櫻桃

見前樊素注

類賦

卷二十

閨閣

四

遠橫眉岫

唐太宗詩蛾眉岫初出

清轉目波

雜事秘辛目波澄鮮眉嫵連卷

功勤八繭

李商隱燒香曲八蠶繭綿分小住

意斂雙蛾

白居易詩宛轉雙蛾遠山色

眉猶顰月

蘇軾詞顰月臨眉醉霞橫臉

面亦醉霞

見上

吟成柳絮

世說謝太傅曰白雪紛紛何所似兄女曰柳絮因風起

頰上椒花

晉書劉臻妻元日獻椒花頰

釵橫落燕

顧甄遠詩鑑鸞釵燕恨何窮

鬢學飛鴉

杜牧詩新鬢學鴉飛

歸偕燕燕

蘇軾詩詩人老去鶯鶯在公子歸來燕燕忙

去伴鶯鶯

見上

同心燕趙

古詩燕趙多佳人美者顏如玉

避面尹邢

史記武帝時尹夫人與邢夫人同時並幸有詔不得相見

功勞齏臼

世說齏臼受辛也○此借作齏鹽井臼之意

念切藁砧

古樂府藁砧今何在山上復有山○藁砧隱語夫也

類賦

卷二十 閨閣

五

獨標蘭質

王勃七夕賦蕙心蘭質

別具蕙心

見上

橫搔頭玉

西京雜記武帝過李夫人就取玉簪搔頭自此後宮人搔頭皆用玉

耀纏背金

劉禹錫詩壓匾佳人纏背金

舞觀七七

因話錄李沂公妾名七七妙歌舞善彈箏

詩咏三三

小名錄唐劉珣女名三三工詩善晉人法書

四字類賦卷二十一

仙釋

恒娥奔月

淮南子羿請不死之藥於西王母恒娥竊以奔月

列子御風

莊子列子御風而行泠然善也

從赤松子

史記張良曰願棄人間事從赤松子遊耳

學黃石公

漢書孺子見我濟北穀城山下黃石即我

換烟霞骨

見韻府對語

橫日月瞳

雲笈七籤時令日月還住面明堂中日居左月居右令二景與目瞳氣合通也

類賦

卷二十一 仙釋

一

香焚桂女

崔湜白鹿觀詩捧藥芝童下焚香桂女

藥捧芝童

見上

法因三昧

金剛經佛說我得無諍三昧

神自六通

僧肇論騁六通之神驥乘五衍之安車

大開仁網

見韻府對語

高建智幢

宏明集傷智幢之欲折

閒遊人海

張養浩詩雲山自笑頭將鶴人海誰知我亦鷗

遠泛帝江

山海經天山有神混沌無面目能識歌舞實為帝江

花開七七

蘇軾詩安得道人殷七七不論時節遣花開

羽化雙雙

李白詩竭來遊嵩嶽羽客何雙雙

金剛努目

隋唐嘉話金剛努目所以降伏四魔菩薩低眉所以慈悲六道

菩薩低眉

見上

飛空有錫

高僧傳有神僧飛錫凌空而行

立地無錐

傳燈錄去年貧無卓錐之地今年貧到錐也無

或披鶴氅

晉書王恭被鶴氅裘涉雪而行孟昶曰此真神仙中人

或著鴻衣

水經注鴻衣羽裳之士

類賦

卷二十一 仙釋

二

壬夫月帔

董道集元冥氏三子曰壬夫學水仙權德輿贈鍊師詩月帔飄飄摘杏花

丁女霞裙

蘇軾詩王公飛空丁女藏注王公水也蘇軾詩借君瓊佩與霞裙

操智慧劍

維摩經以智慧劍破煩惱網

握牟尼珠

釋典佛稱牟尼此云無垢即寶珠也

開三玉笈

見韻府對語

服六癸符

抱朴子或問不熱之道曰以立夏之日服六壬六癸之符暑不能侵也

披雲山衲

見韻府對語

啟日月廚

酉陽雜俎圖籍有日月廚食經

三千界朗

王維詩墨點三千界丹飛六一泥

六一泥開

丹房須知六味各一兩爲末水調用之名六一泥

羣登鷲嶺

樊忱詩插萸登鷲嶺把燭坐峰臺

共上蜂臺

山堂肆考蜂臺佛誦經臺也

花姑蕊女

集宮一錄女道士董靈微號爲花姑關尹子嬰兒蕊女金樓絳宮

橘叟桃孩

幽怪錄巴邛橘中有二叟相對奕戲黃庭經注桃孩陰陽神名亦曰伯桃

壺投玉女

神異經東荒山中有大石室東王公居焉恒與一玉女投壺

劍捧金人

晉書秦昭王三日置酒河曲見金人捧水心之劍曰令君制有西夏

類賦

卷二十一 仙釋

三

不興法雨

王維六祖碑大興法雨

廣蔭慈雲

雞跖集如來慈心如彼大雲蔭注世界

人來鹿苑

珠林母鹿生鹿女形極美金仙養之後佛母生於鹿女因名鹿苑

道悟雞園

楞嚴經我在鹿苑及於雞園觀見如來最初成道

能收意馬

參同契注心猿不定意馬四馳

不放心猿

梁簡文帝詩三修祛愛馬六意靜心猿

丁令化鶴

洞仙傳丁令威得仙暫歸化爲白鶴集郡城門華表柱頭

子真乘鸞

列仙傳梅福修煉功成乘青鸞飛昇○梅福字子真

拈花天上

傳燈錄世尊拈花迦葉獨破顏微笑世尊云吾正法眼藏分付與汝

辟穀人間

張拱傳載神仙以辟穀為下然卻粒則無澤濁

會修月戶

酉陽雜俎君知月乃七寶合成平常有入萬三千戶修之予即一數

共列星班

章碣詩玉皇恩詔別星班

梁僧渡葦

葛長庚詩薄類梁僧渡葦謀

海客乘蓮

拾遺記海中有人乘一葉紅蓮東方朔曰此太乙星也

聆迎鳥語

元稹詩佛語迎鳥說注迎陵仙禽在卵殼中鳴音已壓眾鳥佛法音亦如之

黜野狐禪

五燈會元依然墮野狐○禪家以外道為野狐禪

類賦

卷二十一 仙釋 四

安期棗巨

史記臣嘗遊海上見安期生食巨棗大如瓜

曼倩桃仙

馬臻詩飢懷曼倩桃

高攀情岳

李適之法現禪師碑銘舟梁愛河拈拔情嶽

普渡愛河

見上

功成磨杵

廣輿記真武入山修道久無所得見老嫗操鐵杵磨石上曰功久自成

法喻爛柯

方輿勝覽樵者王質入山見二童子對奕童子曰汝斧柯爛矣質歸已百歲

誰登鵝殿

李商隱啟鵝殿增輝注佛坐殿

共拜雁堂

釋氏要覽毗舍離為佛作堂形如雁字

法宗梵帝

宋之問詩果漸輪王族緣超梵帝家

緣結空王

圓覺經佛為萬法之王曰空王

迷津寶筏

李白詩金繩開覺路寶筏渡迷津

慧海慈航

梁昭明太子詩慧海渡慈航

磨磚成鏡

傳燈錄馬祖曰磨磚豈得成鏡師曰坐禪豈得成佛

煮石為糧

神仙傳白石先生者常煮白石為糧

雨傾龍鉢

李紳鑿師影堂詩龍鉢已傾無法雨虎牀猶在有悲風

風嘯虎牀

見上

類賦

卷二十一 仙釋

五

波間乘鯉

列仙傳琴高入涿水中與諸弟子期待於水旁設祠果乘赤鯉坐祠中

石畔叱羊

神仙傳黃初平牧羊其兄問羊何在初平叱曰羊起白石變為羊數百頭

丹成絳雪

漢武內傳仙家上藥有元霜絳雪

藥散元霜

見上

天邊控鶴

孫綽賦王喬控鶴以冲天

海上騎鯨

杜甫詩若逢李白騎鯨魚道甫問訊今何如

簫吹弄玉

列仙傳蕭史善吹簫穆公女弄玉好之公妻焉一旦夫妻同隨鳳飛去

簧鼓飛瓊

漢武內傳王母乃命侍女許飛瓊鼓震靈之簧

同歸真域

梁簡文帝文三界異途歸之真域

共入化城

法華經法華道師於險道中化作一城疲極之衆生安穩想

僧逢齊已

浩然齋雅談唐僧齊已有白蓮集爲風騷旨格

或遇謝庚

西清詩話宋僧謝庚詩多清麗有紅藥詞傳於世

千章綠字

梁簡文帝大法頌綠字摘章

萬卷丹經

宋史皇甫坦傳召問以長生久視之術坦曰丹經萬卷不如守一

守蓮花藏

李紳詩寄玉蓮花藏緘珠貝葉扇

緘貝葉扇

見上

類賦

卷二十一 仙釋

六

光分智炬

梁簡文帝菩提樹頌序智燈智炬之光同虛空於莫限

法演慈燈

王勃普慧寺碑宣佛鏡於無方演慈燈於已絕

寺留白馬

洛陽伽藍記白馬寺漢明帝初立佛入中國之始時白馬負經而來因以爲名

關度青牛

關中記老子度關乘青牛薄板車

三乘謂筏

江總棲霞寺碑三乘謂筏六度爲舟

六渡爲舟

見上



